



Broj: 07-1-16-1-106-16 /16
Sarajevo, 13.06.2016. godine

SVIM IZBORNIM KOMISIJAMA OSNOVNE IZBORNE JEDINICE U BOSNI I HERCEGOVINI

PREDMET: Upute za provođenje postupka izbora potencijalnih trenera za obuku predsjednika i članova biračkih odbora

U okviru Programa predizborne pomoći za Lokalne izbore 2016. godine koji finansira Vijeće Evrope, Centralna izborna komisija BiH je raspisala Javni poziv za izbor potencijalnih trenera za obuku predsjednika i članova biračkih odbora broj: 07-1-16-1-106-15/16 od 13.06.2016. godine, koji vam dostavljamo u prilogu.

U cilju efikasnog provođenja postupka izbora potencijalnih trenera za obuku predsjednika i članova biračkih odbora dostavljamo vam upute po kojim treba postupati:

1. Objavljivanje Javnog poziva

Potrebno je da izborne komisije odmah, **počevši od 13.06.2016. godine**, na web stranice općine/grada i oglasne ploče u zgradama općinskih/ gradskih organa uprave postave tekst Javnog poziva, kako bi bio dostupan što većem broju građana..

2. Uslovi koje kandidati moraju ispunjavati:

Opći uslovi:

1. Prijavljeni kandidat mora biti lice sa pravom glasa (upisan u CBS).
2. Za trenera ne može biti imenovano lice (član 2.3.IZ BiH) :
 - koje se ne može kandidirati u smislu odredbi članova 1.6, 1.7 i 1.7a Izbornog zakona;
 - koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
 - koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;
 - koje je kandidat za izbore za bilo koji nivo vlasti (2012, 2014. ili 2016. godine); i

- kojom je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uslovi:

- da ima završen VII/1 ili VI ili IV stepen stručne spreme;
- da posjeduje iskustvo u provedbi izbora - članstvo u izornoj komisiji, članstvo u biračkom odboru, rad u stručnim organima koji su pružali pomoći u provedbi izbora, objavljivanje stručnih i naučnih radova iz oblasti izbora.

Izborne komisije prilikom izbora prednost trebaju dati osobama koje posjeduju iskustvo u obuci biračkih odbora.

3. Prijavljivanje

Kandidati, iz osnovnih izbornih jedinica u kojima se ne biraju treneri (prilog 1 u Tabeli 1), mogu se prijaviti u osnovnoj izornoj jedinici u kojoj će biti organizovana obuka predsjednika i članova biračkih odbora iz tih osnovnih izbornih jedinica.

Prijave na Javni poziv sa potrebnim dokazima o ispunjavanju traženih uslova, kandidati će dostaviti u sjedište izborne komisije (kolona 3 Tabele sa podacima o izbornim komisijama i potrebnim brojem trenera – iz Javnog poziva), lično ili poštom navodeći adresu:

*Općinska/gradska izborna komisija _____,
sa naznakom «Prijava na Javni poziv za potencijalne trenere za obuku predsjednika i članova biračkih odbora - NE OTVARATI».*

Nepotpune i neblagovremene prijave izborne komisije neće uzeti u razmatranje.

Dostavljena dokumentacija se ne vraća kandidatima.

4. Potrebna dokumentacija:

1. prijava na javni poziv (popunjen obrazac)
Obrazac prijave kandidati mogu podići u sjedištu općinske/gradske izborne komisije ili preuzeti sa web stranice Centralne izborne komisije BiH, Vijeća Evrope-Ured u Sarajevu i Udruženja izbornih zvaničnika u BiH.
2. potpisana izjava kandidata da se na njega ne odnose odredbe člana 2.3. Izbornog zakona BiH,
3. fotokopija diplome ili uvjerenja o završenom fakultetu, odnosno višoj i/ili srednjoj školi,
4. dokaz da kandidat posjeduje iskustvo u provedbi izbora, (fotokopija rješenja o članstvu u izornoj komisiji ili članstvu u biračkom odboru, uvjerenje od izborne komisije da je kandidat pružao pomoć u provedbi izbora, ili dokaz o objavljivanju stručnih i naučnih radova iz oblasti izbora).

Dokumentaciju kojom se dokazuje ispunjavanje potrebnih uslova nije potrebno ovjeravati.

5. Rok za podnošenje prijava

Rok za podnošenje prijava je sedam (7) dana od dana objavljivanja Javnog poziva na web stranici Centralne izborne komisije BiH www.izbori.ba (13.06.2016. godine) odnosno zaključno sa **20.06.2016. godine.**

Javni poziv će biti objavljen i na web stranici Vijeća Evrope, web stranici i facebook stranici Udruženja izbornih zvaničnika u BiH www.aeobih.com i <https://www.facebook.com/aeobih> i web stranicama i oglasnim pločama općina/gradova.

6. Organ za provođenje postupka

Postupak provođenja procedure izbora trenera po Javnom pozivu provodi općinska/gradska komisija općine/grada u kojoj će biti angažovani treneri za obuku predsjednika i članova biračkih odbora. Također, izborna komisija može formirati i posebnu komisiju za izbor trenera, posebno u slučaju ukoliko su za trenere prijavljuju članovi izborne komisije.

7. Ostale informacije

Izborne komisije su dužne da izvrše izbor navedenog broja potencijalnih trenera i da sačine rang - listu sa podacima o izabranim potencijalnim trenerima, koja će sadržavati sljedeće podatke:

- **Ime i prezime trenera**
- **JMB trenera**
- **Adresu, kontakt telefon i e-mail trenera**
- **Podatak o stručnoj spremi i izbornom iskustvu**
- **Podatak da nije obuhvaćen odredbama člana 2.3 Izbornog zakona BiH (Da/Ne)**

Također, izborna komisija treba da sačini i rezervnu rang-listu, sa navedenim podacima za potencijalne trenera, koju će dostaviti Centralnoj izbornoj komisiji BiH.

Obje liste izborne komisije su dužne dostaviti Centralnoj izbornoj komisiji BiH na e-mail: mustafa.lakovic@izbori.ba i veljko.petrovic@izbori.ba najkasnije do **30.06.2016. godine.**

Izborna komisija je obavezna da u propisanom roku Centralnoj izbornoj komisiji BiH dostavi listu predloženih potencijalnih kandidata za trenere i u slučaju da se na javni poziv ne prijavi dovoljan broj kandidata. U takvim slučajevima izborna komisija treba izabrati kandidate sa liste svog rezervnog osoblja.

Odluka općinske/gradske izborne komisije o izboru trenera predsjednika biračkih odbora je konačna i biće objavljena na web stranici Centralne izborne komisije BiH i oglasnoj ploči općine/grada.

Centralna izborna komisija BiH neće razmatrati eventualne prigovore na izbor potencijalnih trenera, nego će razmatranje eventualnih prigovora biti u nadležnosti izborne komisije.

Za dodatne informacije možete se obratiti Centralnoj izbornoj komisiji BiH na brojeve telefona:

Mustafa Laković 033/251-348 e-mail: mustafa.lakovic@izbori.ba

Veljko Petrović 033/251-346 e-mail: veljko.petrovic@izbori.ba

S poštovanjem,



Predsjednik

Dr. Ahmet Šantić

Prilog:

- Javni poziv za izbor potencijalnih trenera za obuku predsjednika i članova biračkih odbora broj: 07-1-16-1-106-15/16 od 13.06.2016. godine.
- Tabele OIK sa brojem trenera i brojem obuka (PRILOG: 1)